

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 443269/08**

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 29.01.2021 թ. թիվ 136 վարչական իրավախախտման վերաբերյալ արձանագրությունը, քննելով թիվ 136 վարույթը և կից նյութերը,

ՊԱՐԶԵՑԻ

Համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 29.09.2020թ-ի թիվ 4132475 ակտի՝ անհատ ձեռնարկատեր Համազասպ Առաքելյանին (ՀՎՀՀ՝ 49594738) պատկանող Արմավիրի մարզ, ք. Վաղարշապատ Նար-Դոսի 9 հասցեում գործող առևտրի կետից կատարված գնման ընթացքում իրացվել է ակցիզային դրոշմանիշերով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) 5100 ՀՀ դրամ ընդհանուր արժեքով ապրանք:

Նշված արարքի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170⁸ հոդվածով:

ՀՀ ՊԵԿ իրավաբանական վարչությունում հարուցվել է վարչական վարույթ, որի շրջանակներում ծանուցագիր է ուղարկվել Համազասպ Առաքելյանին (հասցե՝ Արմավիրի մարզ, Վաղարշապատ, Իսահակյան փ. 3) և անհատ ձեռնարկատեր Համազասպ Առաքելյանի աշխատակցուհի՝ (վաճառողուհի) Մարիամ Մկրտչյանին (հասցե՝ Արմավիրի մարզ, Վաղարշապատ, Վազգեն Առաքինի փ. 4 5)

Պատշաճ ծանուցված լինելով արձանագրության կազմման, գործի քննության վայրի և ժամանակի մասին Համազասպ Առաքելյանը և Մարիամ Մկրտչյանը չեն ներկայացել: Վարչական վարույթի շրջանակներում Մարիամ Մկրտչյանը ներկայացրել է հայտարարություն առ այն, որ ապրանքները իրացրել է ինքը, որոնք եղել են առանց դրոշմավորման, քանի որ անզգուշության պատճառով պոկված են եղել:

Համադրելով ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 29.09.2020թ.-ի թիվ 4132475 ակտը, Մարիամ Մկրտչյանի կողմից ներկայացված հայտարարությունը և վարչական վարույթի մնացյալ նյութերը՝ վարույթն իրականացնող մարմինը գտնում է, որ դրանք վկայում են Մարիամ Մկրտչյանի կողմից ակցիզային դրոշմանիշերով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) ապրանքներ իրացնելու մասին:

Նկարագրված արարքի համար պատասխանատվություն է նախատեսվում Վարչական իրավախախտումների վերաբերյալ ՀՀ օրենսգրքի 170⁸ հոդվածի 1-ին մասով:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 170⁸ հոդվածի 1-ին մասով, 32-րդ հոդվածի 2-րդ մասով, 244², 281, 247 հոդվածներով և 282 հոդվածի 1-ին մասի 1-ին կետով՝

1. Համազասպ Առաքելյանի նկատմամբ հարուցված վարչական վարույթը կարճել:
2. Համաձայն վարչական իրավախախտումների վերաբերյալ ՀՀ օրենսգրքի 170⁸ հոդվածի 1-ին մասի՝ Մարիամ Մկրտչյանի նկատմամբ կիրառել վարչական տույժ՝ նշանակել տուգանք 70.000 (յոթանասուն հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

(Handwritten signature)



Ա.ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը հանձնելու (հանձնված համարվելու) օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Մասնակցեցի գործի քննությանը, որոշման վերաբերյալ առարկություններ չունեմ